


OB
PROFESSIONEM
ORDINARIAM
VIRIS
CLARISSIMIS ET DOCTISSIMIS
DN. GODOFREDO
WEISSIO
ET
DN. SAMUELI
THEODORO
Schönwald
THORUNENSIBUS,
SOLENNI RITU
d. 14 Aug. A. O. R. 1732.
COLLATAM
LÆTITIAM ANIMIS CONCEPTAM
BREVI BUS LINEIS QVA DECET
OBSERVANTIA CONTESTANTUR
MUSÆ THORUNENSES



THORUNI
Impressit Ioh. Nicolai Nobiliss. Senat. & Gymn. Typogr.



*Ætare Lyceum, dum rara volunt esse gaudia:
Exue caperatam frontem, & serenitatem indue.
Habet jam in Filiis geminis Ecclesia minor,
quod in Patribus geminis olim major habuit.
Hi quidem lacte Euangelii nutrivere CHRISTI
illi undis limpidis proluent Musarum assecclas. (oviculas)
Uterque boni ominis præbet præsagia.
Alter olorem præfert in clypeo;
alter silvam notat nomine.
At ubi olor est, ibi & flumen adest;
ubi silva, ibi & florent arbores,
flumina restinguunt sitim:
arbores lætam umbram exhibent.
Felix ergo tua sorte Lyceum!
Habes Ianum bifrontem,
qui ex utraque tonat cathedra,
utrinque divina & humana pandit mysteria.
Habes Æsculapii germen,
columba non minus quam serpente conspicuum:
illa morum integritatem, hæc prudentiam signat,
ne quid temere credas, ne præjudiciis succumbas.
Habes alium, qui ad Latium ducit & Helladen,
& flosculos suave micantes docet decerpere.
Iam iterum nova Tibi accedunt decora.
Cygnus emergit candidus,
qui ore promit, quod premit pectore.
Arbor succrescit patula,
quam qui subit, æstum fugiet & solstitium,
qui non refugit, suaviter sub umbra recumbet.
Sed quid attinet ludere ænigmatibus?
Dicendum est planius, quia numerus
Professorum factus est plenior.
Latior ibit Permessidos unda,
lætior evirescet silva Heliconia,
quando INCLYTUS MAGISTRATUS
Viris Clarissimis & Doctissimis
Dn. GODOFREDO WEISSIO, &*

Dn.

DN. SAM. THEOD. SCHOENWALD

ordinariam professionem benigne contulit,

& cum onere honorem quoque imposuit.

Merita nimirum pensi habuit.

Implevere nobile decennium,

& extra ordinem decurrere visi in stadio

rectam tenuere orbitam,

quæ bene docendo ac recte agendo absolvitur.

Iam ergo licet mentis opes expromere,

apud exteros multo sudore collectas,

domi magno cum sænore ponendas.

*Lacertos movebit **MATHESIS**,*

& e tellure cæli aream prospicere,

tenebras inter astra rimari fulgida,

angusta in mensula orbem dimetiri instituet.

*Iunget **PALÆSTINÆ** manus **GRÆCIA**.*

***HISTORIÆ** suppetias feret **GEOGRAPHIA**,*

diversa terrarum climata, regnorum fines,

urbium natales & incrementa

cum naturæ mirandis referabit.

Et cum difficile sit Principes depingere,

*eorundem insignia picturata dabit **HERALDICA**.*

Gaude iterum & bonis tuis utere Lyceum!

Nulla tibi natio peregrina erit,

omnes fient prope domesticæ.

Non adibis aulas regias,

Regum tamen fata & facta pernosces.

Non transfretabis maria, non fretum Herculis,

in Museo tamen Væstam & Oceanum digito monstrabis.

Vitam Musarum felicem dicito,

nec de vili annona conqueritor.

Equidem vere dixit Oct. Ferrarius:

Plerique omnes, qui ingenio censetur, vulgus sumus,

& sive fato, sive temporum inclementia,

in re tenui & angusta versamur.

Cæteris nominis claritatem aut præstamus aut pollicemur;

nos ipsos premunt tenebræ, & tranquilla sectando

opprobria

opprobria tamen vix effugimus:
¶ quo majoris operæ est Musarum aperire adyta,
hoc sterili labore magis atterimur, despiciamur, ignoramur.
Sed habeat sibi seculum sua,
etsi vere sua nequit dicere,
quæ casus eripit vel mora temporis consumit.
Vos Musæ sorores **INCLYTO MAGISTRATVI**
habete gratias, si reddere negatum est,
quod tempore difficili facilem se præbuit,
¶ numerum Professorium paterne explevit.
Sufficiant illi semper vires, nunquam desit voluntas,
ut quæ oblectant privatim publice personent;
quæ Viris aliquando prosint, juvenibus adsint largiter;
eruditio a pietate gratiam,
pietas ab eruditione capiat ornamenta.
Vos etiam **DN. PROFESSORES ORDINARII,**
Ingenio Nobilissimi, Virtute Clarissimi,
Doctrina excultissimi,
fluminis instar nostra rigate pectora,
animos doctrinæ cupidos fertiles efficite,
ac dum sementem facitis, messem sperate uberrimam.
Agant radices, quas plantatis arbores:
gemmas induant, in flores & fructus abeant,
quæ teneris animis instillare est animus.
Seculum si nescit rependere,
quod sudatis, laboratis, in ardua contenditis:
at summus in cælo brabeutes
suo inscribet Breviario vel Rationario.
Ille suo tempore putabit rationes,
¶ mercedem tribuet sine tempore.
Ad extremum vivite Patriæ, quæ vitam dedit:
Vivite Familiis & Amicis,
quibus summa debetis, summa reddetis decora:
Vivite Vobis & famam longius extendite:
Vivite Musis, quæ spiritum à Vobis trahere gestiunt:
Vivite etiam cælo, cui nati estis,
extra quod nec vita vitalis est,
nec salus stabilis, vel perennis gloria.

113403